

# Melancholia

## 1.

Hütt hockt sie mir im Nacke Ir Seel biisst sie sich fescht  
sie hett no anderi Macke, Sie bringt no andere Gäscht  
Mit ihre chont no Trägheit, Mit Zynismus im Gepäck  
Du haltisch's für d'Wahrheit, Für d'Schwärmuet es Versteck

Zwischenteil: Schema Strophe

## 2.

Sie chunnt meischtens vo hinde, und zwar zähflüssig träg  
Du chasch sie nid packe, nid finde, sie riisst s'Glück mit sich wäg  
Der Horizont wird änger, Perspektive sind scho los  
Fascht alles wird stränger, s'Schwäre wird gross

Refrain (2x)

Sie macht Stunde ganz dunkel  
D'Zuekunft fascht schwarz  
D'Vergangeheit trüeb  
Sie chläbt fescht wie Harz  
(sie chläbt fescht wie Harz,  
sie chläbt fescht wie Harz)

## 3.

Und wenn sie die wott hole, chasch de nid verstecke  
Gäge sie nützt kei Pischtole, und kes devo seckle  
Wenn sie die wott griffe, de packt sie die ganz fescht  
Du chasch jammre und piffe, es get ihre nid de räscht